



Broj: 01-23/13
Vareš, 29.01. 2013. godine

Z A P I S N I K
s 3. sjednice Općinskog vijeća Vareš,
održane 27.12. 2012. godine

Zdravko Marošević – predsjedavajući Općinskog vijeća Vareš, otvorio je 3. sjednicu s početkom u 09,00 sati, u velikoj sali Općine Vareš.

Predsjedavajući OV pozdravio je sve prisutne i pozvao Asmira Čizmu da pristupi davanju svečane izjave o prihvatanju mandata u OV Vareš. Asmir Čizmo je dao i potpisao svečanu izjavu.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Zdravko Barkić, Dženana Bešić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Goran Selak i Nikola Šimić.

Odsutni – Nema.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, predsjednici političkih stranaka, poslanik u Skupštini ZDK – Fahrudin Brkić, ispred OSCE Terenski ured Zenica – Johanna Kieselak i Nihad Gavranović i predsjednik MZ Vareš Enver Fetišević

Sekretar OV Leon Pavlović izvijestio je Vijeće o realizaciji Zaključaka sa 2. sjednice OV održane 29.11.2012. godine. Na 2. sjednici OV nije bilo vijećničkih pitanja. Općinsko vijeće Vareš donijelo je 3 (tri) Zaključka i isti su realizovani.

Općinski načelnik Avdija Kovačević u okviru aktuelne problematike na području općine Vareš izvijestio je Vijeće da se ništa značajnije nije dešavalo u periodu između 1. konstituirajuće i 3. sjednice OV. Organ uprave je radio operativne poslove i operativne zadatke iz svoje nadležnosti. Mišljenja je da sve ono što je trebalo da se uradi u proteklom periodu, a što je bilo u interesu građana, urađeno je na najbolji mogući način i sa sredstvima koja su bila dostupna. U narednom periodu će se raditi na unutrašnjoj reorganizaciji i konsolidaciji organa uprave Općine Vareš i svih upravnih organizacija i javnih preduzeća koja su vezana za organ uprave i Općinsko vijeće. Smatra da se svi poslovi trebaju voditi u skladu sa partnerskim programskim opredjeljenjem i da se tako može napraviti snažan iskorak i

odgovoriti zahtjevima vremena i sa kvalitetnim rješenjima krenuti u rješavanje svih problema sa kojima je općina Vareš bila opterećena u proteklom periodu.

(Vijećnička pitanja)

Elvir Rožajac

1. U ime građana koji stanuju preko puta SŠC „Nordbat 2“ Vareš, traži da se hitno riješi problem u vezi dimnjaka na spomenutoj školi?
2. Traži da se hitno izvrši sanacija potpornog zida koji se nalazi ispod zgrade „Dvadeset obiteljska“ ul. Zvijezda? Napominje da je i ranije obraćao se nadležnim u vezi ovog problema, ali još uvijek nije ništa urađeno i moli da se u što kraćem roku riješe problemi koje je iznio.

Demo Kevrić

3. Traži od Općinskog načelnika i nadležne službe da se krene u realizaciju saniranja dijela lokalnog puta Striježevo-Kokošćići? O tome je dao i obrazloženje u kome je iznio probleme mještana u vezi spomenutog puta.

Predsjedavajući OV stavio je na raspravu zapisnik sa 42. sjednice OV.

Nije bilo primjedbi i predsjedavajući OV stavio je na izjašnjavanje zapisnik sa 42. sjednice OV i nakon izjašnjavanja vijećnika konstatovao da je **zapisnik sa 42. sjednice OV jednoglasno usvojen.**

Predsjedavajući OV stavio je na raspravu zapisnik sa 1. konstituirajuće sjednice OV.

Nije bilo primjedbi i predsjedavajući OV stavio je na izjašnjavanje zapisnik sa 1. konstituirajuće sjednice OV i nakon izjašnjavanja vijećnika konstatovao da je **zapisnik sa 1. konstituirajuće sjednice OV jednoglasno usvojen.**

Predsjedavajući OV stavio je na raspravu zapisnik sa 2. sjednice OV.

Nije bilo primjedbi i predsjedavajući OV stavio je na izjašnjavanje zapisnik sa 2. sjednice OV i nakon izjašnjavanja vijećnika konstatovao da je **zapisnik sa 2. sjednice OV jednoglasno usvojen.**

Predsjedavajući OV skrenuo je pažnju Vijeću, odnosno vijećnicima na odredbe iz Poslovnika o radu OV (član 68., 69., 70. i 71.) a vezano za način javljanja vijećnika i dužinu trajanja učestvovanja u raspravi.

Predsjedavajući OV stavio je na raspravu prijedlog dnevnog reda za 3. sjednicu OV.

Općinski načelnik Avdija Kovačević javio se za riječ i predložio da se tačka 12. dnevnog reda (Prijedlog Odluke o osnivanju Zajedničkog općinskog pravobranilaštva) i tačka 15. (Prijedlog Odluke o utvrđivanju platnih razreda i koeficijenata za obračun plaća u Općinskom pravobranilaštvu) povuku sa dnevnog reda današnje sjednice. O tome je dao i obrazloženje u kome je upoznao Vijeće na dogovor da i Općinsko vijeće Olovo isti dan razmatra ove Prijedloge Odluka, jer se radi o zajedničkim aktivnostima. Pošto Općina Olovo nije pripremila materijale i nema ih na dnevnom redu njihove sjednice Vijeća koja se održava danas, Općinski načelnik Avdija Kovačević je gore navedeno povukao sa dnevnog reda. Predložio je dopunu

dnevnog reda 3. sjednice OV Vareš sa tačkom 12. Inicijativa Općinskog načelnika o izmjenama i dopunama Nacrta Zakona o šumama Zeničko-dobojskog kantona i usaglašavanje zakona i drugih propisa kojima će se regulisati oblast šumarstva na nivou FBiH. S obzirom da su vijećnici materijal, koji se odnosi na Inicijativu, dobili prije početka današnje sjednice, o istoj je dao i obrazloženje.

Zaključena je rasprava i predsjedavajući OV stavio je na izjašnjavanje prijedlog dnevnog reda 3. sjednice OV sa izmjenama i dopunama na izjašnjavanje i nakon izjašnjavanja vijećnika konstatuje da je **jednoglasno usvojen s l i j e d e ć i**

D n e v n i r e d

1. **Prijedlog Odluke o izboru stalnih radnih tijela Općinskog vijeća Vareš.**
2. **Prijedlog Izmjena i dopuna budžeta/proračuna općine Vareš za 2012. godinu.**
3. **Prijedlog budžeta/proračuna općine Vareš za 2013. godinu.**
4. **Prijedlog Odluke o izvršenju budžeta/proračuna općine Vareš za 2013. godinu.**
5. **Prijedlog Odluke o privremenom finansiranju Općine Vareš za 2013. godinu.**
6. **Prijedlog Odluke o utvrđivanju granica naseljenih mjesta na području općine Vareš.**
7. **Prijedlog Odluke o raspisivanju izbora za članove Savjeta mjesnih zajednica na području općine Vareš.**
8. **Prijedlog Odluke o vrijednosti boda komunalne naknade za 2013. godinu.**
9. **Prijedlog Odluke o visini naknade za članove OIK-e u 2013.godini**
10. **Prijedlog Odluke o određivanju jedinstvenog matičnog područja općine Vareš.**
11. **Prijedlog Odluke o gubitku statusa javnog dobra u općoj upotrebi**
12. **Prijedlog Inicijative za izmjene i dopune Zakona o šumama ZDK.**
13. **Prijedlog Odluke o utvrđivanju cijena komunalnih usluga i visine naknade za priključno mjesto.**
14. **Prijedlog Odluke o utvrđivanju platnih razreda i koeficijenata za obračun plaća u jedinstvenom općinskom organu uprave Općine Vareš i Stručnoj službi Općinskog vijeća i općinskog načelnika.**
15. **Prijedlog Odluke o odobravanju prodaje službenog motornog vozila.**
16. **Prijedlog Programa rada Općinskog vijeća Vareš za 2013. godinu.**
17. **Izveštaj o ostvarivanju dugoročnih ciljeva i razvoja cestovne infrastrukture i izvršenju programa održavanja, zaštite, izgradnje i obnove lokalnih cesta.**

18. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2013. godinu.
19. Upoznavanje Vijeća sa Zapisnikom o primopredaji dužnosti kod izbora Općinskog načelnika, broj: 02/1-95/12 od 15.11.2012. godine.
20. Tekuća pitanja.

Ad. 1.

(Prijedlog Odluke o izboru stalnih radnih tijela Općinskog vijeća Vareš.)

Komisija za izbor i imenovanje na 2. sjednici održanoj 18.12.2012. godine jednoglasno je donijela slijedeći

Zaključak:

1. **Prijedlog Odluke o izboru stalnih radnih tijela Općinskog vijeća Vareš, se upućuje Vijeću na izjašnjavanje uz jednu primjedbu a odnosi se na izbor članova Etičke komisije.**
Komisija predlaže da se izbor Etičke komisije izvrši na narednoj sjednici Vijeća nakon prikupljenih prijedloga od političkih subjekata, nevladinog sektora i drugih udruženje, sve u skladu sa odredbama Etičkog kodeksa izabranih zvaničnika općine Vareš.

Otvorena je rasprava u kojoj su svoje prijedloge, primjedbe i mišljenja iznijeli predsjednik Komisije za izbor i imenovanje Boško Andrić i vijećnici: Mario Mirčić koji je predložio izmjenu zamjenika predsjednika Komisije za statutarna pitanja i propise, umjesto Josipa Malbašić predlaže da zamjenik predsjednika komisije bude Hrvoje Čabrajić ispred Hrvatske koalicije HDZ-HSS-NHI, Almir Ciriković, Dženana Bešić, Ismet Abdulahović i predsjedavajući Zdravko Marošević.

Zaključena je rasprava i predsjedavajući OV stavio je na izjašnjavanje prijedlog Zaključka Komisije za izbor i imenovanje, te nakon izjašnjavanja vijećnika konstatuje da sa **7 glasova „ZA“, 8 glasova „PROTIV“ i 4 „SUZDRŽANA“ glasa nije usvojen predloženi Zaključak.**

Predsjedavajući OV stavio je na izjašnjavanje Prijedlog Odluke o izboru stalnih radnih tijela Općinskog vijeća Vareš sa izmjenom predloženom od strane vijećnika Maria Mirčić ispred Hrvatske koalicije HDZ-NSS-NHI.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 3 „SUZDRŽANA“ glasa usvojena**

*Odluka o izboru stalnih radnih tijela
Općinskog vijeća Vareš.*

Ad. 2.

*(Prijedlog Izmjena i dopuna budžeta/proračuna
Općine Vareš za 2012. godinu.)*

Ovlašteni predlagač Općinski načelnik Avdija Kovačević iznio je nekoliko napomena u vezi ove tačke dnevnog reda. Izjavio je da zbog smanjenih prihoda po svim osnovama u Budžetu općine Vareš za 2012. godinu, što se vidi iz strukture prihodovne strane, Općinski načelnik je obavezan po Zakonu, bez obzira na proceduru po kojoj je usvojen Budžet općine Vareš za 2012. godinu, da Općinskom vijeću ponudi Rebalans budžeta za 2012. godinu. Napominje da su vijećnici u materijalu za ovu tačku dnevnog reda dobili i pojašnjenja u vezi donošenja Rebalansa i da će na januarskoj sjednici Vijeću biti prezentirana Informacija u kojoj će biti ponuđen interni mini program, odnosno re- program izvršenja svih obaveza koje su stečene u 2012. godini i način na koji se planiraju ispoštovati te obaveze kroz realizaciju Budžeta za 2013. godinu. Općinski načelnik izjasnio se da od OV očekuje da podrži ponuđene Izmjene i dopune Budžeta za 2012. godinu i pozvao je sve one koji imaju primjedbi da ih iznesu i da se o njima može voditi diskusija radi informisanja Vijeća, ali da se suštinski ponuđeni Rebalans budžeta za 2012. godinu ne može mijenjati.

Otvorena je rasprava u kojoj su svoje primjedbe, prijedloge, stavove i mišljenja iznijeli vijećnici: Demo Kevrić, Zdravko Barkić, Mario Mirčić, Elvir Rožajac i Mahira Brkić.

Zaključena je rasprava i predsjedavajući OV stavio je na izjašnjanje Prijedlog Izmjena i dopuna budžeta/proračuna općine Vareš za 2012. godinu, te nakon izjašnjanja vijećnika konstatuje da su sa **19 glasova „ZA“ usvojene**

***Izmjene i dopune budžeta/proračuna
općine Vareš za 2012. godinu.***

Ad. 3.

*(Prijedlog budžeta/proračuna
općine Vareš za 2013. godinu.)*

Predlagač nije imao dodatno objašnjenje za ovu tačku dnevnog reda.

Otvorena je rasprava u kojoj su svoje prijedloge, stavove i mišljenja iznijeli vijećnici: Demo Kevrić, Mahira Brkić, Zdravko Barkić, Mario Mirčić, Tajiba Brkić, Elvir Rožajac, predsjedavajući OV i Općinski načelnik.

Vijećnica Mahira Brkić ispred Kluba SBB predložila je slijedeći amandman: - da se stavka potrošačka jedinica broj 613900 ekonomski kod 613914 *usluge reprezentacije* u iznosu od 20.000 KM umanje za iznos od 4.000 KM, te da se za isti iznos poveća stavka potrošačka jedinica 614100 ekonomski kod 614121 *Transfer za kulturu i Centar za kulturu*. O predloženom amandmanu iznijela je i obrazloženje.

Općinski načelnik Avdija Kovačević u svom izlaganju dao je dodatna pojašnjenja i odgovorio na neka pitanja vijećnika postavljena u raspravi. U vezi predloženog amandmana Kluba vijećnika SBB, izjavio je da amandman ne može prihvatiti o čemu je dao i obrazloženje. S tim u vezi zamolio je Kluba vijećnika SBB da povuče predloženi amandman. Napominje da će ove godine pristupiti izradi kvalitetnog Urbanističkog plana na osnovu koga će Općina Vareš aplicirati za dobivanje određenih sredstava za kapitalna ulaganja.

Vijećnica Mahira Brkić javila se za riječ i ispred Kluba SBB izjasnila se da Klub SBB povlači predloženi amandman.

Zaključena je rasprava i predsjedavajući OV stavio je na izjašnjavanje Prijedlog budžeta/proračuna općine Vareš za 2013. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Budžet/proračun
općine Vareš za 2013. godinu.***

Ad. 4.

*(Prijedlog Odluke o izvršenju
Budžeta/proračuna općine Vareš za 2013. godinu.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izvršenju Budžeta/proračuna općine Vareš za 2013. godinu.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o izvršenju budžeta/proračuna
općine Vareš za 2013. godinu.***

Ad. 5.

*(Prijedlog Odluke o privremenom
finansiranju općine Vareš za 2013. godinu.)*

Općinski načelnik Avdija Kovačević izjasnio se da Prijedlog Odluke o privremenom finansiranju općine Vareš za 2013. godinu, povlači sa dnevnog reda današnje sjednice s obzirom da je usvojen Budžet/proračun općine Vareš za 2013. godinu.

Predsjedavajući OV konstatuje da je Prijedlog Odluke o privremenom finansiranju općine Vareš za 2013. godinu, povučen sa dnevnog reda današnje sjednice.

Ad. 6.

*(Prijedlog Odluke o utvrđivanju granica
naseljenih mjesta na području općine Vareš.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je učestvovao vijećnik Elvir Rožajac.

Ispred predlagača Rusmir Berberović pomoćnik načelnika izjavio je da će se pristupiti provjeri podataka i eventualnoj dopuni, a vezano za iznesenu primjedbu vijećnika Elvira Rožajac, koja se odnosi na naseljeno mjesto Ravne i granicu sa općinom Ilijaš.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju granica naseljenih mjesta na području općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o utvrđivanju granica naseljenih
mjesta na području općine Vareš.***

Ad. 7.

*(Prijedlog Odluke o raspisivanju izbora za članove
Savjeta mjesnih zajednica na području općine Vareš.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je učestvovao vijećnik Elvir Rožajac.

Zaključena je rasprava i predsjedavajući OV stavio je na izjašnjavanje Prijedlog Odluke o raspisivanju izbora za članove Savjeta mjesnih zajednica na području općine Vareš.

Nakon izjašnjavanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojena**

***Odluka o raspisivanju izbora za članove
Savjeta mjesnih zajednica na području općine Vareš.***

Ad. 8.

*(Prijedlog Odluke o vrijednosti boda
komunalne naknade za 2013. godinu.)*

Ispred predlagača Ermin Musa pomoćnik načelnika dao je dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Elvir Rožajac, Ismet Abdulahović, Dženana Bešić, Kenan Kamenjaš, Zdravko Barkić, predsjedavajući OV i pomoćnik načelnika Ermin Musa koji je odgovorio na neka pitanja vijećnika postavljena u raspravi i iznio mišljenje i stav u vezi iznesenih primjedbi i prijedloga vijećnika.

Vijećnik Ismet Abdulahović u svom izlaganju u raspravi traži da se MZ Dabravine briše iz zone V. ili da se navedu sva naselja koja se nalaze uz regionalni put.

Na traženje Kluba SDA predsjedavajući OV dao je pauzu u trajanju od 15 minuta.

Nastavljeno je sa radom današnje sjednice.

Za riječ se javila vijećnica Dženana Bešić i u ime Kluba vijećnika SDA izjavila da Klub ostaje pri svom prijedlogu, a to je da se Prijedlog Odluke o vrijednosti boda komunalne naknade za 2013. godinu povuče sa izglasavanja, da se za slijedeću sjednicu pripreme izmjene Odluke o zonama građevinskog zemljišta, a Klub SDA prihvata obavezu da podnese Inicijativu o izmjenama i obavi sve poslove u međuvremenu, da se prije rasprave o danas povučenoj a na januarskoj sjednici predviđenoj u dnevnom redu ove odluke, predvidi rasprava o izmjenama Odluke o zonama građevinskog zemljišta.

Za riječ se javio pomoćnik načelnika Ermin Musa i ispred predlagač izjasnio da ne prihvata predloženi prijedlog.

Predsjedavajući OV je konstatovao da se Prijedlog Odluke o vrijednosti boda komunalne naknade za 2013. godinu ne može povući sa dnevnog reda jer je o istom otvorena rasprava.

Predsjedavajući OV na osnovu rasprave i prijedloga iznesenih od strane Kluba BPS i Kluba SDA predložio je slijedeći

Zaključak:

- **Prijedlog Odluke o vrijednosti boda komunalne naknade za 2013. godinu vraća se ovlaštenom predlagaču na dopunu. Zadužuje se ovlašteni predlagač da prvo izvrši izmjenu Odluke o građevinskom zemljištu i da se za narednu sjednicu dostave Vijeću na razmatranje.**

Nakon izjašnjavanja vijećnika predsjedavajući OV konstatuje da je sa **12 glasova „ZA“ i 7 glasova „PROTIV“ usvojen predloženi Zaključak.**

Ad. 9.

(Prijedlog Odluke o visini naknade za članove OIK-e u 2013. godini.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici Đemo Kevrić, Zdravko Barkić i sekretar OV Leon Pavlović koji je odgovorio na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o visini naknade za članove OIK-e u 2013. godini.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojena**

Odluka o visini naknade za članove OIK-e u 2013. godini.

Ad. 10.

(Prijedlog Odluke o određivanju jedinstvenog matičnog područja općine Vareš.)

Ispred predlagača Čedomir Jelić pomoćnik načelnika dao je dodatno obrazloženje za ovu tačku dnevnog reda.

Otvorena je rasprava u kojoj je učestvovao vijećnik Elvir Rožajac.

Zaključena je rasprava i predsjedavajući OV stavio je na izjašnjavanje Prijedlog Odluke o određivanju jedinstvenog matičnog područja općine Vareš.

Nakon izjašnjavanja vijećnika predsjedavajući OV konstatuje da je sa **jednoglasno usvojena**

Odluka o određivanju jedinstvenog matičnog područja općine Vareš.

Ad. 11.

(Prijedlog Odluke o gubitku statusa javnog dobra u općoj upotrebi.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o gubitku statusa javnog dobra u općoj upotrebi.

Nakon izjašnjavanja vijećnika predsjedavajući OV konstatuje da je sa **jednoglasno usvojena**

Odluka o gubitku statusa javnog dobra u općoj upotrebi.

Ad. 12.

(Prijedlog Inicijative za izmjene i dopune Zakona o šumama ZDK.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje slijedeći

Zaključak:

- **Općinsko vijeće Vareš prihvata Inicijativu Općinskog načelnika o izmjenama i dopunama Nacrta Zakona o šumama Zeničko-dobojskog kantona i usaglašavanje Zakona i drugih propisa kojima će se regulisati oblasti šumarstva na nivou FBiH.**
- **Sastavni dio Inicijative je i pismeno obrazloženje.**

Nakon izjašnjavanja vijećnika predsjedavajući OV konstatuje da je sa **jednoglasno usvojen predloženi Zaključak o prihvatanju Inicijative.**

Ad. 13.

(Prijedlog Odluke o utvrđivanju cijena komunalnih usluga i visine naknade za priključno mjesto.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Safeta Muftić, Elvir Rožajac, Boško Andrić, Ismet Abdulahović, Kenan Kamenjaš, Zdravko Barkić, Tajiba Brkić, Mario Mirčić, ispred ovlaštenog predlagača zamjenica općinskog pravobranilaštva Elma Brčić i Općinski načelnik Avdija Kovačević koji je dao dodatno obrazloženje za ovu tačku dnevnog reda i odgovorio na neka pitanja vijećnika postavljena u raspravi.

Predsjedavajući OV dao je pauzu u trajanju od 5 minuta radi konsultacija Klubova vijećnika u OV.

Nastavljeno je sa radom današnje sjednice.

U daljnjoj raspravi i iznošenju stavova Klubova vijećnika učestvovali su vijećnici: Mario Mirčić, Dženana Bešić, Zdravko Barkić, Safeta Muftić, Đemo Kevrić, Elvir Rožajac i Općinski načelnik Avdija Kovačević koji je predložio slijedeći

Zaključak:

- Obavezuje se Općinski načelnik da zajedno sa Stručnim službama općine i JKP d.o.o.Vareš, nakon 30.06.2013. godine uradi analizu efekata primjene Odluke o utvrđivanju cijena komunalnih usluga i visine naknade za priključno mjesto i da upozna Vijeće i javnost sa efektima te Odluke.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju cijena komunalnih usluga i visine naknade za priključno mjesto.

Nakon izjašnjavanja vijećnika predsjedavajući OV konstatuje da je sa **15 glasova „ZA“, 3 glasa „PROTIV“ i 1 „suzdržanim“ glasom usvojena**

Odluka o utvrđivanju cijena komunalnih usluga i visine naknade za priključno mjesto.

Predsjedavajući OV stavio je na izjašnjavanje predloženi Zaključak, te nakon izjašnjavanja vijećnika konstatuje da je sa **15 glasova „ZA“, 1 glasom „PROTIV“ i 3 „SUZDRŽANA“ glasa usvojen predloženi Zaključak.**

Predsjedavajući OV dao je pauzu u trajanju 30 minuta.

Nastavljeno je sa radom današnje sjednice.

Ad. 14.

(Prijedlog Odluke o utvrđivanju platnih razreda i koeficijenata za obračun plaća u jedinstvenom općinskom organu uprave Općine Vareš i Stručnoj službi Općinskog vijeća i Općinskog načelnika.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Safeta Muftić, Ismet Abdulahović, Dženana Bešić, sekretar OV Leon Pavlović, predsjedavajući OV i Općinski načelnik Avdija Kovačević koji je dao dodatno pojašnjenje i na osnovu iznesene primjedbe vijećnika Ismeta Abdulahović, koja se odnosi na član 3. Prijedloga Odluke (pozicija zamjenika općinskog načelnika), predložio slijedeće:

- u članu 3. Prijedloga Odluke u I. platnom razredu brišu se riječi „zamjenik općinskog načelnika“ a dodaju se riječi „pomoćnici općinskog načelnika“, ostali tekst u I. platnom razredu ostaje isti
- II. platni razred se briše, tako da III. platni razred postaje II. platni razred, IV. platni razred postaje III. platni razred, V. platni razred postaje IV. platni razred, VI. platni razred postaje V. platni razred i VII. platni razred postaje VI. platni razred.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju platnih razreda i koeficijenata za obračun plaća u jedinstvenom općinskom organu uprave Općine Vareš i Stručnoj službi Općinskog vijeća i općinskog načelnika sa predloženom izmjenom člana 3. Prijedloga Odluke.

Nakon izjašnjavanja vijećnika predsjedavajući OV konstatuje da je sa **16 glasova „ZA“** i **3 „SUZDRŽANA“** glasa uz predloženu izmjenu usvojena

***Odluka o utvrđivanju platnih razreda i koeficijenata za obračun
plaća u jedinstvenom općinskom organu uprave Općine
Vareš i Stručnoj službi Općinskog vijeća i općinskog načelnika.***

Ad. 15.

*(Prijedlog Odluke o odobravanju
prodaje službenog motornog vozila.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o odobravanju prodaje službenog motornog vozila, te nakon izjašnjavanja vijećnika konstatuje da je **jednoglasno usvojena**

***Odluka o odobravanju prodaje
službenog motornog vozila.***

Ad. 16.

*(Prijedlog Programa rada
Općinskog vijeća Vareš za 2013. godinu.)*

Sekretar OV Leon Pavlović dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali Ermin Musa pomoćnik načelnika za prostorno uređenje i obnovu i Rusmir Berberović pomoćnik načelnika za društvene djelatnosti i BiZ.

Ermin Musa pomoćnik načelnika ispred Službe predložio je da se u Prijedlogu Programa tačka 34. Informacija o predloženim i odobrenim projektima za Program kapitalnih ulaganja Vlade ZE-DO kantona za 2013. godinu i tačka 56. Informacija o realizaciji Programa kapitalnih ulaganja na području općine Vareš za 2013. godinu, brišu iz Prijedloga Programa rada OV o čemu je dao i obrazloženje.

Rusmir Berberović pomoćnik načelnika predložio je da se u Prijedlogu Programa u kalendaru akata tačka 3. Prijedlog dokumenta „Strategija omladinske politike na području općine Vareš za period 2013-2016. godina“, koja je planirana da se razmatra u januaru 2013. godine, razmatra u martu 2013. godine.

Predsjedavajući OV konstatovao je da su predložene izmjene prihvaćene od strane ovlaštenog predlagača.

Zaključena je rasprava i predsjedavajući OV stavio je na izjašnjavanje Prijedlog Programa rada Općinskog vijeća Vareš za 2013. godinu sa prihvaćenim izmjenama.

Nakon izjašnjavanja vijećnika predsjedavajući konstatuje da je **jednoglasno usvojen**

***Program rada Općinskog
vijeća Vareš za 2013. godinu.***

Ad. 17.

(Izveštaj o ostvarivanju dugoročnih ciljeva i razvoja cestovne infrastrukture i izvršenju programa održavanja, zaštite, izgradnje i obnove lokalnih cesta.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe i mišljenja iznijeli vijećnici: Elvir Rožajac, Almir Ciriković, Đemo Kevrić, Zdravko Barkić, Nikola Šimić, Safeta Muftić, Tajiba Brkić i Ermin Musa pomoćnik načelnika koji je dao dodatno pojašnjenje i odgovorio na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Izveštaj o ostvarivanju dugoročnih ciljeva i razvoja cestovne infrastrukture i izvršenju programa održavanja, zaštite, izgradnje i obnove lokalnih cesta.

Nakon izjašnjavanja vijećnika predsjedavajući OV konstatuje da je **jednoglasno usvojen**

Izveštaj o ostvarivanju dugoročnih ciljeva i razvoja cestovne infrastrukture i izvršenju programa održavanja, zaštite, izgradnje i obnove lokalnih cesta.

Ad. 18.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2013. godinu.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe i mišljenja iznijeli vijećnici: Almir Ciriković, Elvir Rožajac, Zdravko Barkić, Đemo Kevrić, Đenana Bešić, Općinski načelnik Avdija Kovačević i predsjedavajući OV Zdravko Marošević.

Na osnovu vođene diskusije u raspravi po ovoj tački dnevnog reda, predsjedavajući OV predložio je slijedeće

Zaključke:

- 1. Vijeće daje saglasnost na Program rekonstrukcije, izgradnje i obnove lokalnih cesta za 2013. godinu.**
- 2. Zadužuje se Općinski načelnik da jednom godišnje Općinskom vijeću Vareš podnosi Izveštaj o ostvarivanju Programa rekonstrukcije, izgradnje i obnove lokalnih cesta za 2013. godinu, a sve prijedloge i inicijative iznesene u raspravi da Općinski načelnik uvaži i pokuša riješiti u okviru svojih nadležnosti i mogućnosti.**

Predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2013. godinu i predložene Zaključke.

Nakon izjašnjavanja vijećnika predsjedavajući OV konstatuje da su **jednoglasno usvojeni predloženi Zaključci i**

**Zaključak o davanju saglasnosti na Program rekonstrukcije,
izgradnje i obnove lokalnih cesta za 2013. godinu.**

Ad. 19.

*(Upoznavanje Vijeća sa Zapisnikom o
primopredaji dužnosti kod izbora Općinskog
načelnika, broj: 02/1-95/12. od 15.11.2012. godine.)*

Općinski načelnik Avdija Kovačević dao je uvodne napomene za ovu tačku dnevnog reda za koju su svi vijećnici dobili materijal i upoznati su sa sadržajem Zapisnika.

Zamolio je Vijeće da se po ovoj tački dnevnog reda ne vodi rasprava na današnjoj sjednici i u vezi s tim predložio je slijedeće

Zaključke:

- 1. Vijeće prima k znanju Zapisnik o primopredaji dužnosti kod izbora Općinskog načelnika, broj: 02/1-95/12 od 15.11.2012. godine.**
- 2. Zadužuje se Općinski načelnik da u skladu sa Zakonom raspiše javni tender, odnosno poziv za odabir nezavisnog revizora koji će sa 15.11.2012. godine uraditi reviziju poslovanja organa uprave i nakon toga Vijeće upoznati sa Izvještajem o reviziji.**

Predsjedavajući OV stavio je na izjašnjavanje predložene Zaključke i nakon izjašnjavanja vijećnika konstatuje da su **jednoglasno usvojeni predloženi Zaključci.**

Ad. 20.

(Tekuća pitanja)

- 1. Predsjedavajući OV upoznao je prisutne da je Općinskom vijeću i Općinskom načelniku upućen Zahtjev broj: 01/2-05-2384/12. od 28.11.2012. godine od strane Općinskog načelnika općine Breza, u kome se traži da Općinsko vijeće Vareš donese Odluku o davanju saglasnosti Općini Breza za deponovanje otpada na deponiji Vareš, na period od godinu dana. Zahtjev općine Breza dobili su i svi vijećnici uz poziv za današnju sjednicu OV.**

Općinski načelnik Avdija Kovačević upoznao je Vijeće da je na traženje Općinskog načelnika općine Breza, a u vezi problema odlaganja smeća, održan sastanak 27.11.2012. godine u Općini Breza na kome su bili prisutni Općinski načelnik općine Breza, Općinski načelnik općine Vareš i pomoćnik načelnika za prostorno uređenje i obnovu općine Vareš. Općinskom načelniku općine Breza data je sugestija od strane Općinskog načelnika općine Vareš i pomoćnika načelnika da Općinskom vijeću Vareš uputi zahtjev jer je to u nadležnosti Vijeća.

S obzirom da je materijal došao kasno u smislu priprema za današnju sjednicu OV, Općinski načelnik predložio je zaključak da se zaduži Općinski načelnik i organ uprave Općine Vareš da za prvu narednu sjednicu OV pripreme odgovor, odnosno cjelovitu Informaciju po pitanju Zahtjeva iz općine Breza, koja će sadržavati i sve ostale podatke vezano za ranija vijećnička pitanja u vezi odlaganja smeća.

Otvorena je rasprava u kojoj su svoje primjedbe, prijedloge, stavove i mišljenja iznijeli vijećnici: Elvir Rožajac, Boško Andrić, Kenan Kamenjaš, Đenana Bešić, Ismet Abdulahović, Općinski načelnik Avdija Kovačević i predsjedavajući OV.

Zaključena je rasprava i predsjedavajući OV stavio je na izjašnjavanje slijedeći

Zaključak

- **Zadužuje se Općinski načelnik i nadležne službe uprave da za prvu narednu sjednicu Vijeća, pripreme odgovor, odnosno informaciju po svim parametrima, a vezano za Zahtjev Općinskog načelnika općine Breza koji se odnosi na davanje saglasnosti Općini Breza za deponovanje otpada na deponiji u Varešu.**

Nakon izjašnjavanja vijećnika predsjedavajući OV konstatuje da je sa **12 glasova „ZA“, 1 glasom „PROTIV“ i 5 „SUZDRŽANIH“ glasova usvojen predloženi Zaključak.**

2. Vijećnica Đenana Bešić traži od Općinskog načelnika da se naknade za vijećnike koji su bili u sazivu prošlog OV, u razumnom periodu i u skladu sa mogućnostima isplate. Predsjedavajući OV konstatuje da je Općinski načelnik primio k znanju izneseni prijedlog.

Općinski načelnik Avdija Kovačević građanima katoličke vjeroispovijesti čestitao je blagdan Božić, a svim građanima općine Vareš zaželio je sretnu i uspješnu Novu godinu. Pozvao je sve prisutne da prisustvuju novogodišnjem prijemu koji će se održati nakon završetka današnje sjednice Vijeća u 16,00 sati u SŠC „Nordbat 2“ Vareš.

Predsjedavajući OV Zdravko Marošević u ime Općinskog vijeća, Općinskog načelnika i u svoje lično ime još jednom je čestitao blagdan Božić, Novu godinu a vjernicima pravoslavne vjeroispovijesti nadolazeći blagdan Božić.

Sastavni dio ovog Zapisnika je audio zapis sjednice.

Sjednica je završena u 14 sati i 55 minuta.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević